

ZLATKO MILETIĆ

**Dom naroda Parlamentarne skupštine BiH
Klub Hrvata**

Sarajevo, 06.09.2021. godine

**PARLAMENTARNA SKUPŠTINA BiH
DOM NARODA**

n/r: g. Bakir Izetbegović, predsjedatelj

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

06-09-2021

Organizaciona jedinica	Klasifikaciona oznaka	Redni broj	Broj priloga
02	50-6	1698	21

Na osnovu člana/članka 9. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) podnosim slijedeću

INICIJATIVU

I - Zahtjevam da Vijeće ministara Bosne i Hercegovine u roku od 60 dana izvrši izmjenu „Uputstva o obimu i načinu vršenja poslova fizičkog i tehničkog osiguranja osoba, objekata i imovine,“ (07.07.2005.g.) na način da se iz člana/članka 22. briše stav 2) tačka b. 1) i 2) i c. treća kategorija osoba/ličnosti koje se posebno štite te da se na taj način svede ukupan broj šticećenih osoba/lica na ukupno 8 osoba/lica.

II - Zahtjevam da Zajednička komisija/povjerenstvo za administrativne poslove PS BiH, u roku od 60 dana pripremi i dostavi akt Parlamentarnoj skupštini Bosne i Hercegovine kojim će se ukinuti privilegije koje uživaju nosioci pojedinih izvršnih i zakonodavnih funkcija u institucijama BiH, na način da PS BiH stavi van snage sva pravna akta koja podrazumijevaju privilegije i pogodnosti na jedinstven način za sve dosadašnje korisnike i to:

- a) Pravilnik o reprezentaciji u PS BiH od 08.03.2017.g. i 09.06.2020.g.,
- b) Pravilnik o korištenju telefona u PS BiH (član/članak 5.) od 08.03.2017.g.,
- c) Odluka o načinu obračuna plaća i ostalih materijalnih prava izaslanika i delegata u PS BiH poglavlje III član/članak 6. (paušal) od 23.11.2018.g.,
- d) Pravilnik o korištenju službenih vozila PS BiH (korištenje samo u službene svrhe) od 30.05.2017.g. i 03.09.2018. g..

OBRAZLOŽENJE

Na osnovu ukupnih pokazatelja u Bosni i Hercegovini po pitanju neefikasnog postupanja nadležnih institucija u borbi sa pandemijom COVID 19, općenito, nekoordiniranog upravljanja krizom u sprečavanju posljedica COVID 19 pandemije uključujući proces imunizacije stanovništva BiH i uopće probleme u zdravstvenom

sustavu BiH, nameće se potreba intenzivnije pomoći zdravstvenim institucijama u BiH u smislu ukazivanja veće finansijske potpore istim u prevazilaženju krize. I ne samo zdravstvenim već i privrednim/gospodarskim subjektima u ublažavanju posljedica pandemije a u pojedinim slučajevima i institucijama na nivou BiH, počev od poboljšanja statusa uposlenika u institucijama BiH do pomoći organima koji se bave različitim sigurnosnim izazovima. Najefikasnije uštede finansijskih sredstava koje se mogu napraviti promptno u okviru samih institucija BiH su one koje se odnose na različite privilegije, povlastice, bespotrebno besplatno korištenje pojedinih usluga i sl..

S tim u vezi a imajući u vidu činjenicu da su članovi kolegija PS BiH najveći potrošači budžetskog novca i da uživaju najviše privilegija u bosanskohercegovačkim institucijama, kojeg su im osigurali građani ove zemlje, zahtijevam da se navedenim licima/osobama koje uživaju bilo koji oblik privilegije u izvršnim i zakonodavnim institucijama BiH uključujući i sve zastupnike/delegate/izaslanike, izabrana i imenovana lica/osobe, iste **ODMAH UKINU**, na način da Zajednička komisija/povjerenstvo za administrativne poslove PS BiH, sačini prijedlog akata kojim će se pojedini pravilnici (1) staviti van snage u cjelosti a u pojedinim pojedini dijelovi pravilnika (2) i odluka (1) te da isti prosljedi na usvajanje Parlamentarnoj skupštini BiH. Istovremeno, Vijeće ministara BiH treba da usvoji izmjenu „Uputstva o obimu i načinu vršenja poslova fizičkog i tehničkog osiguranju osoba, objekata i imovine,, (07.07.2005.g.) na način da se iz člana/članka 22. briše stav 2) tačka b. 1) i 2) i c. treća kategorija osoba/ličnosti koje se posebno štite, tako da se ukupan broj osoba/lica koja se posebno štite svede na ukupno 8 osoba/lica.

Na ovaj način i ovim uštedama bi se finansijska sredstva preko VM BIH usmjerila na pomoć građanima BiH u fond za imunizaciju stanovništva, odnosno sprečavanje posljedica izazvanih pandemijom pružanjem pomoći bosanskohercegovačkim privrednicima/gospodarstvenicima ili za pomoć institucijama BiH za rješavanje statusnih ili strateških sigurnosnih izazova u Bosni i Hercegovini.

Napomena: u prilogu ovog akta dostavljam Vam i odgovor akt br.:02-50-7-17-31,4/21 od 01.07.2021.g. članova Kolegija Doma naroda PS BiH na identično izaslaničko pitanje od 26.05.2021.g., koje je sadržajno u suprotnosti sa Poslovníkom Doma naroda Poglavlje IX, članom/člankom 154. Stav 1 i 2.

S poštovanjem,

ZLATKO MILETIĆ





ДОМ НАРОДА

DOM NARODA

Broj: 02-50-7-17-31,4/21

Sarajevo, 1. 7. 2021.

PARLAMENTARNA SKUPŠTINA BiH

DOM NARODA

n/r delegata Zlatka Miličića

08-07-2021
02-50-6-16-18/21

PREDMET: Odgovor, dostavlja se

Kolegij Doma naroda Parlamentarne skupštine BiH na 31. sjednici, održanoj 1. 7. 2021, razmatrao je delegatsko pitanje Zlatka Miličića, broj: 02-50-6-16-18/21 od 26. 5. 2021.

Članom 154. stav (1) Poslovnika Doma naroda, propisano je: „Delegati mogu postavljati pitanja i podnositi inicijative predsjedavajućem i članovima Vijeća ministara BiH ili drugim subjektima iz njihove nadležnosti, posebno o stanju u pojedinim oblastima društvenog života i provođenju zakona i drugih akata Parlamentarne skupštine BiH, odnosno o radu ministarstava i drugih organa državne uprave.“

Članom 155. stav (1) Poslovnika Doma naroda propisano je: „Delegati mogu usmeno postavljati pitanja Vijeću ministara BiH, odnosno pojedinom članu Vijeća ministara BiH na početku svake prve sjednice Doma u mjesecu, prije rasprave o dnevnom redu, uz direktan TV prijenos.“

Kolegij Doma naroda nema status drugog subjekta propisan članom 154. stav (1) Poslovnika Doma naroda jer je riječ o članovima Doma naroda, odnosno postavljanje usmenih pitanja u skladu s članom 155. stav (1) Poslovnika Doma naroda predviđeno je samo za članove Vijeća ministara BiH.

Kada je u pitanju tumačenje člana 154. stav (1) Poslovnika Doma naroda, identičan stav zauzeo je i Kolegij Predstavničkog doma u svom zaključku broj: 01-02-4-414/12 od 22. 3. 2012, tumačeći član 156. Poslovnika Predstavničkog doma.

S poštovanjem,

